

叢書集成三編 第四四冊目錄

文學類




詩別集——清

雍益集一卷	清	王士禎撰	王漁洋中研所	〇四四	〇〇一
馮舍人集六卷(又名：馮舍人遺詩)	清	馮廷樞著	馮定遠	〇四四	〇二三
恕谷詩集二卷	清	李塨撰	顏李	〇四四	〇六一
恕谷後集十三卷	清	李塨撰	顏李	〇四四	〇九三
獨石軒詩逸存一卷	清	董相撰	董氏台	〇四四	一七九
小倉山房詩集三十七卷補遺二卷	清	袁枚撰	隨園	〇四四	一八五
紅豆村人詩稿十四卷	清	袁樹撰	隨園	〇四四	三六三
紅豆村人續稿四卷(又名：紅豆村人詩集續刻)	清	袁樹撰	隨園	〇四四	四二一
瑤華閣詩草一卷	清	袁綬撰	隨園	〇四四	四四三
梨花軒詩稿二卷(一名：湄君詩集、湄君詩選)	清	陸建撰	隨園	〇四四	四四五
筱雲詩集二卷(一名：筱雲詩選)	清	陸應宿撰	隨園	〇四四	四六九
碧腴齋詩存八卷	清	胡德琳撰	隨園	〇四四	四八一
南園詩選二卷(又名：何南園詩選)	清	何士顯撰	隨園	〇四四	四九九
惜抱軒詩集十卷後集一卷外集一卷	清	姚鼐撰	惜抱軒	〇四四	五一三
雪彊老人詩稿四卷	清	洪樸撰	傳經堂	〇四四	五六七
地齋詩鈔二卷	清	洪坤煊撰	傳經堂	〇四四	五九九
紀半樵詩一卷	清	紀大復撰	春暉堂	〇四四	六二三
槲堂詩鈔一卷	清	洪震煊撰	傳經堂	〇四四	六二九

秋紅文室遺詩一卷	清	金禮鳳撰	春暉堂	〇四四	六三七
月亭詩鈔三卷(原缺上卷)	清	林伯桐撰	脩本堂	〇四四	六四五
聽松廬詩略二卷	清	張維屏撰	啓秀山房	〇四四	六五五
鈴石齋詩鈔四卷	清	黎恂撰	黎氏	〇四四	六八三
雙樹生詩草一卷	清	林鎬撰	春暉堂	〇四四	七二五
是汝師齋遺詩一卷(又名是汝師齋詩)	清	朱次琦撰	啓秀山房	〇四四	七三九
			中研所		

2257/04

雍光血集



本書承中央研究院歷史語言研究所借用影印

謹此

致謝

新文豐出版公司 謹啟

讀雍益集總述

吾師新城先生弱冠登

朝初官揚州以治行第一入爲禮部古人之于臺
官所相器重者必曰廊廟才宰相才有具美焉不
徒文詞之衣被當世足以盡其才名而已然先生
八歲能詩伯氏西樵吏部授以裴王詩法愛在揚
州所交皆當世名賢高齋視事之暇金陵京口姑
蘇舟車遊覽之餘題詠滿大江南北庚子秋符升
辱收門下盡得受而讀之因集其順治丙申以來
至辛丑紀年之作較讎之爲阮亭詩之刻此專集
所托始也久之先生復自取于三百餘首刪其什
六益以過江入吳白門前後諸集都爲一編凡二
十二卷由是甲辰前廣陵所作乙己後禮部所作
斐然畢備屬同門生王予我建鐫之吳門此漁洋
前集之再刻也康熙壬子秋祇奉
朝命典試益州有蜀道集二卷驛程記四卷其詩
高古雄放觀者驚歎比于韓蘇海外之篇戊午春
唐
皇上特達之知擢授翰林侍講尋下徵其詩錄三
篇以獻謂之

御覽集未敢專行庚申冬拜國子祭酒
膳部從遊無間晨夕乃更哀其辛亥迄癸亥之
得十六卷重爲編次曰京集曰蜀集曰家集此
洋續集之三刻也甲子冬以官詹受

命秩祀粵海有南海集二卷符升僭序其端而子
行三志三卷皇華紀聞六卷廣州遊覽志一卷附
之此一時一地專爲紀錄之四刻也方使車之南
行也雪阻東平望小洞庭中有蠶尾山爲唐蘇源
明讌賞地因取以名其山房退食之暇合戊辰至
乙亥詩及碑版記序雜文爲蠶尾集十卷而古文
詞之前此者復別爲漁洋文略十四卷雪苑宋先
生爲之作序以傳此詩文合集之五刻也丙子春
以少司農祇

命祭告西嶽西鎮江瀆有雍益集秦蜀驛程後記
隴蜀餘聞各一卷蓋先生遊歷所至必討論其山
川風俗古今人物之本末隴蜀既舊遊之地已詳
具驛程記中而此又紀其所未備者也下丑夏屬
婁江通政錢公郵寄且以總序見委先生之言曰
再使秦蜀往返萬里得詩纔百餘篇皆寥寥短章
不足以當年蜀道而海豪放之格然覽古興懷得江

山之助生色有加擬諸眉山集中所分配書
古蹟寓興諸篇殆兼而有之此又一時兩地
紀錄之六刻也其間驛程紀聞等書凡六種略
昔人隨筆總錄之例又有五言詩七言詩及唐
三昧集唐詩十選三書獨發明司空表聖嚴滄
論詩微旨與詩集並行爲世所宗法此又先生
集外之別刻也其他著述已成書者則又有
朝註法考一卷池北偶談二十六卷居易錄三
卷五代詩話古懽錄各若干卷皆集外單行
先生之才名之治狀所早見于江郡不盡于文
書施之大用正不可量而即此等身之業傳自
國已章章若是於是諸大君子之論其詩者
蒙曼先生以下凡數十家足以觀詩家總萃之
意論其文者以謂原本經史斟酌唐宋卓然爲一
大家當以雪苑先生爲定論此皆當代名流所共
見共聞毋容門下士之更贊一辭者也特取四
年來請業于几席之前者歷爲敘之聊志較讎之
本末云崑山受業門人盛符升謹述時年八十

雍益集

新城王士禎貽上甫

丙子春奉 命祭告西嶽西鎮江瀆出都

却寄李容齋相國陳說巖司徒彭美門

少宰四首

早歷卽嶮萬里程那知垂老又西征六飛正決平

戎策時駕將出塞九折寧辭叱馭行華嶽終南春浩蕩錦

江玉壘氣崢嶸山靈處處曾相識只怪秋霜兩鬢

生

年年待漏集修門滴盡銅壺笑語溫韋曲西來春

雍益集

益益嘉陵南去雨昏昏蜀箋細字題清怨已曲哀

音愴旅魂折得花枝相憶否梁州回首夢慈恩

十年兩度展明裡江海空餘汗漫身春老鵲啼催

入蜀年衰鶴病悔遊秦琴臺再訪常璠子簾肆重

過賣卜人興盡蕭然問歸艇碧雞坊外府江津李長

吉詩鶴病
悔遊秦

年來有味是三乘著紫伽梨苦未能此日只如行

脚去歸來應似罷參僧百城煙水雲隨屨方丈如

踏雪暗燈五月岷江新漲潤朝辭白帝暮江陵

通琉璃河

琉璃河上駐征驂柳疏水未蘆葦三十六陂春

水岍可憐渾不似江南

白河店謁椒山先生祠墓在店北二里
去麒麟家不遠

孤城初日上驅馬白河濱祠宇瞻喬木清流擲渚

蘋觸邪真獬廌守冢是麒麟 烈祖旌忠日光

輝四十春順治十五年 詔刻忠愍二疏 御製
序文曰旌忠錄頒 賜廷臣今三十八年矣

新樂縣驛亭有感往事

古驛鮮虞國寒蕪新市城鶯花殊寂寞野水自縱

橫衣帶日以緩浮生還自驚敗垣蒼蘚合何處認

題名

雍益集

蘭相如墓

智勇存危趙相如第一人特書王擊缶間道壁亡

秦故國山河改孤墳草木春魯連終蹈海千古共

悲辛

真定題臨濟廢寺

欲問西來意因叅臨濟師主賓誰辨取棒喝任交

馳野鶻巢危塔行蝸上斷碑何因一莖草寶界現

琉璃

早發獲鹿縣

小邑淨如拭烟嵐朝打圍忽忘行役遠只似故山

歸溪水侵官路清流浣客衣溪邊老屋舊時基
晴暉

自獲鹿至井陘道中雜咏四首

纔過鹿泉上呀然開土門崩崖一綫路喬木幾家
村障日山多暝浮嵐晝易昏聞雞已亭午身在武
陵源

少日紛多慨龍門太史書初殘秦復趙齒冷耳聾
餘豈謂無雙士而師李左車到頭鐘室恨功狗竟
何如

冶水三冬煖西來燕尾斜似聞藏磨石小住問丹

雜詩

砂急瀨喧危行疎林卧斷槎魚牀將蟹塢隨處可
移家

斷岬雷方殷奔瀧雪又飛魚驚如避筍鷓下未忘
機賴石何遷次瞿塘定是非倦遊三萬里誰爲寄

當歸

予壬子入蜀甲子入粵及茲丙子
再使秦隴及蜀凡行三萬餘里矣

次井陘縣

千嶂通關路雙溪遶縣門亂流爭浦激水碓聒朝
昏夕照魚蝦市寒烟桑柘村當年穆天子雨雪獵
高原

故關

絕塞依天險雄關鎖地維石橫千仞壁松偃萬年
枝盡日無飛鳥經春卧老熊見北史槐花秋雨裏重燒

舊題詩

壬子秋過此有句云西風忽
送瀟瀟雨滿路槐花出故關

度故關感懷亡友葉文敏公

壬子秋于此
賦二詩寄葉

挂笏迎朝爽看山拂帽羣舊詩云冒雨
看山拂帽羣風生土囊口日
射太行雲往事浮烟散心知落葉分何時玉峰下
宿草醉孤墳

平定西道中即事

伏流處處瀉驚湍赭石荒岡眼倦看何似小園松
竹下玉螭乘月吐清寒

雜詩

祁縣訪戴楓仲見其子永豐今記知以壬

申歲逝矣輓之一首

麓臺山畔已深春侯甲河邊起暮塵耆舊百年誰
碩果江湖萬里慣勞薪予自
謂也楓丹笠澤思漁父草

綠昭餘醉故人一笑倚歌揮手去嗟來桑戶返于

真

予昔爲楓仲作月楓閣長句引張志和夢楓
樹生腹爲此又爲賦天馬鼎多父數二歌

韓侯嶺題壁

烏喙那堪共良弓久自藏一軍驚大將千古痛真
王勢已歸諸呂何勞守四方世家誰載筆讀史淚

霍家

趙城道中懷門人黃自先張漢瞻周策終

殷彥來蔣靜山諸子兼寄慢亭弟

白首京華七見秋田園蕪沒未歸休陽關又盡一

杯酒蜀道重尋萬里遊遙憶美人隔湘水頗哀老

子困壺頭苦思下澤車中語慚愧平生馬少游

洪洞縣謁韓忠定公祠

弘恭已自收蕭傅夏惲翻能殺呂強枉使空同奮

刀筆子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮

雍五集

五

朝大名齊李杜幽憤祭臯陶南北甘陵部千秋恨

不消

平陽懷古戲作

漢宮貴主類如花何異婁豬求艾殺漢家將帥亦

無種昔為騎從今同車鄭李長孺是何物一朝門

戶生光華生兒願得如衛霍悔不給事平陽家

猗氏縣衛爾錫中丞見過賦贈

鴨綠江頭絕鯉魚今孤城畔攬君袂聲名京兆三

王後衛先為京兆尹涕淚中山滿篋書都護夜郎餘部曲神

人姑射本清虛從今晏坐消殘劫一室何妨自帶

除

郭有道墓介休縣二首

大槐坂上逐車塵爭效先生折角巾至竟清流解

亡國望門投止是何人

謁文忠烈公祠

精神如破貝州時晚節猶能動四夷天遣不同韓

富沒姓名留冠黨人碑

風陵渡河抵潼關

行盡并汾路前旌欲度關亂帆河曲木隔岍虢州

山地險煙嵐合時清虎豹閑永懷黃綺侶白首卧

雍五集

六

商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵

竹石當牕嶽色淨琴書山中宰相人誰識江左夷

吾我不如為報倦遊歸及早淮南無此好家居

華山雜詩七首

玉泉院

目玩玉泉流靜悟先天易多事墜驢時強與人間

事

山蘇子

結茅孤石稜玉泉下奔注亭空泉尚流上有無邊樹

希夷峽

洞門峽半開鐵鎖垂千丈俗駕自然迴何地容種放

娑羅坪

小憩娑羅坪手撫娑羅樹仰見上方雲時向人間去

毛女洞

毛女負琴去條然松杪飛青冥風露冷髣髴見天衣

白鹿龕

雲中跨白鹿心知魯女生乞我一丸藥相將遊玉清

青柯坪

窈窕青柯館正在西峰罅二十八潭懸飛瀑從天下

青柯坪迴喜吳天章至自朝邑

昨過風陵渡思君役夢魂暮雲低華嶽春水下龍門
得從猶三輔艱難共一樽何時逢玉女同到龍

頭盆

謁郭忠武王祠

華州二首

便橋蕃部擁風雷單騎纔臨鐵騎推回紇萬人齊下拜傳呼天上今公來

謁寇忠愍公祠

柘枝舞罷蠟成堆千束吳綾夜宴開不是魏三詩句好誰知無地起樓臺

新豐

漢代粉榆社遺墟極望平空提三尺劍忍聚一杯羹
細雨新豐樹寒蕪小苑城惟餘舞陽廟漠漠土

花生

驪山溫泉

曾過繡嶺弔開元廿載華清役夢魂老大不關興
廢感重來只似洗腸源

秦始皇冢

下錮三泉銀作池一朝禍發牧羊兒不知地底連
機弩曾射周章百萬師

石甕寺

在驪山東繡嶺

當年石甕寺曾對集靈臺青雀無迴信黃虬是禍胎
杜詩化作黃虬也謂龍山也
朝雲何日散山月至今來坐久流仙

梵松聲薄暮哀

灞橋

自古銷魂地茫茫喚奈何行人灞陵渡疎雨灞陽
過楊柳籠煙薄桃花夾岸多邯鄲東北望流恨滿

雲和即漢文帝今慎夫人鼓瑟處

灞橋柳

灞橋楊柳碧毵毵曾送征人去漢南今日攀條慙
悴絕樹猶如此我何堪

城南遊詩十首

曲江

雜詩集

九

賜沐逢修禊宜春歲歲遊傳呼夾城仗早御望仙
樓捧劍金人曲凌波綵鷁舟新蒲將細柳蕭瑟至
今愁

慈恩寺

昨日櫻桃宴今朝鴈塔行紅綾新賜餅淡墨舊題
名柳汁年年綠桑田歲歲更殘僧空劫後相對話
無生

薦福寺

即聖容院今名小鴈塔

院從唐代建人以寂音傳洪覺範嘗居此水鳥皆聞法雲山
不離禪花邊傳浴鼓竹外起茶煙即此忘言說虛

空借坐眠

韋曲

皇子陂邊路風光韋曲多曾鄰天尺五最近第三
坡芳草新年色桑條舊日歌傷春更懷古容易醉
顏酡

杜曲

春衣杜陵宿窈窕一川花舊是岐公宅人傳故相
家名園三品石貴主五雲車今日穠華歇棠梨噪
暮鴉

牛頭寺

雜詩集

十

牛頭鐘梵罷露坐俯樊川明月生秦嶺清光滿稻
田微風喧吠蛤野燒起山煙歸卧禪燈寂心空古
佛前

少陵原工部祠

少陵原下路髣髴浣花村猶似開元日終南對國
門秦川空望眼湘水與招魂忍見桃花落紅英慘
綠罇

樊川桃花

三月樊川路紅桃散綺霞終南青送黛滴水碧穿
沙草色裙腰合渠流燕尾叉銷魂過杜曲一樹最

天斜

杜曲南鴻園原下
緋桃一株方盛開

鄭莊

杜陵客西蜀常憶鄭瓜州望古尋遺蹟逢人問故
侯有才三絕擅無恙八川流近交相望韓莊近同悲
貉一丘

秦愍王墓

陳王關雞道今日望陵園石馬前朝賜銅人漢代
原幽蘭悲帝子芳草怨王孫猶有藍田燕年年入
墓門

杜曲西南平牧之冢

兩枝仙桂氣凌雲落魄江湖杜司入勳今日終南
山色裏小桃花下一孤墳

咸陽懷古

燕丹報秦仇其志良已大志士不謀身豈必論成
敗一哭馬生角天意若有在交龍為扶舉機橋詎
能害奈何衍水匿骨肉割深愛帝醉顧飛廉四海
遂橫潰徒惜劍術疎千秋發長喟

茂陵懷古

頻年祠太乙晚歲罷輪臺緱氏仙何往瑤池信不
迴紅顏鈞弋盡白首子卿哀失勢秋風客昆明又

却灰

李夫人冢

在茂陵西
北數步

長門買賦草萋萋冤魄雲陽杜宇啼惟有佳人解
傾國茂陵長傍茂陵西

楊妃冢

怨粉愁香委路岐祇留羅襪使人悲梨園教就霓
裳譜不似三鄉陌上時

扶風縣早發

車馬扶風道春光冷似秋雲峰會岐下雨脚插梁
州寥落鶯花日蒼茫汧渭流前程兼隴蜀萍跡信

悠悠

馬融絳帳村

絳帳風流蹟尚傳不聞長笛但荒煙李公已為飛
韋死何用區區妬鄭玄

岐山謁周公廟

廟中有
渭德泉

元聖祠堂在娑羅覆殿陰娑羅樹在岐周遺俗古碑碣
歲時深故國千秋祀幽風七月心靈泉聽不盡三

嘆有餘音

秦穆公墓

雨霽陳倉曉日紅杖藜來訪藥泉宮千年斷碣荒

煙裏一片殘春秀麥中黃鳥哀時良士盡碧雞飛
去霸圖空子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好名因學士

傳

有坡公利

游儵爭咬雨垂柳欲生烟重過荷香裏還

勞運酒船

沉次山詩不能廢人運酒船

再集東湖拜東坡先生祠

復有東湖約來當春暮時涼風散高柳微雨灑清

池自識龜魚樂何殊濠濮思仙翁去千載髣髴下

雲旗

汧陽縣

晚上汧陽閣遠山橫翠眉

韋莊汧陽詩遠山如畫翠眉橫

川長連隴首

城古枕隴糜太尉千秋笏

段公秀實汧人

韋郎七字詩不勝

懷古意羌笛暮休吹

登隴二首

隴頭有流水鳴咽至今寒只自流離下那知道路

難秦川已迴望齊瑟向誰彈東道三千里無因託

羽翰

登隴人回首臨關馬顧羣

唐人

遠遊今到此出塞古

常聞不見梅花使惟看隴水分故關渺東海

萬重雲

隴州縣頭鎮古吳山縣也有元縣今丁帶

十詩愛其似姚合武功雜咏恐其湮沒

表出之

瀟灑吳山縣

丁十詩皆以此句爲起

猶傳仙令辭那知煙草裏復

見武功詩過客詢殘堞田家補廢籬當年杜元凱

峴首亦沈碑

登吳嶽

名嶽標西極金天作鎮雄東看連太白北望盡回

中日出橫秦時煙消指漢宮導岍思禹績此地鑿

鴻濛

吳山瀑布泉二首

汧山新望秩曉色五峰晴初日林端露飛泉樹杪

行尋源經絕壑臨水濯塵纓寂坐丹厓裏身疑在

碧城

望輦峰前路陰厓樵牧稀千尋雙瀑下十笏萬山

圍水石含秋色雲霞變夕霏靈湫有神物金碧射

人衣

紀雞臺

寶雞縣三百

東周久已換西秦陳寶何須辨僞真猶有漢家使

持節益州遠祀碧雞神

鳳女臺

弄玉空祠鎖寂寥碧雲天際水迢迢丹青不畫乘鸞女夜夜月明聞洞簫

賣酒樓

東坡有詩

昨向宜春下苑遊曲江煙景似悲秋珠簾甲帳皆黃土何必陳倉賣酒樓

寶雞縣南入棧感成

碧油幢引向西川取次重過二十年壁壘又經新戰伐奮威將軍破賊于此關河不改舊風煙陳倉五夜荒雞早

寶雞縣

主

錦水三春旅夢懸長白山前一茅屋何時送老白雲邊

棧道雨

漠漠天將雨沈沈日又西林間畫眉鳥更作盡情啼

鳳縣西溪金絲柳二首

宋苑金絲柳傳來自鳳州經時未憔悴烟態拂人頭

絲拂金明水根移太乙宮東京夢華後何似此山中

紫栢山下謁留侯祠

祠傳是辟穀處并祀黃石公赤松子

萬木蕭蕭風晝吹深山忽見留侯祠清流白石閱今古雪柏霜筠無歲時辟穀真從赤松隱授書偶作帝王師也知烏喙逃勾踐未屑鴟夷學子皮

聞紫栢山絕頂有峨眉老衲獨坐丈室數

十年蛇虎皆馴伏今九十有六矣惜不得其名字乃作頌古十絕句屬鳳今寄

之丙子歲四月七日棧中留壩驛燈下

成

維摩詰

維摩詰

天

師利多言說淨名殊默然語言文字外已示祖師禪

須菩提

善哉須菩提提礮間惟晏坐般若是誰聞諸天雨花墮

惠持

樹中入定僧千年人不識如何去陳留一往無消息

道超

我愛道超師絕俗耽憇寂退院閒無人蟋蟀鳴秋

壁

寒山

寒山牛跡話此意誰酬酢趙州小廝見宛有大人作

懶殘

煨火傍羣牛請來幾千歲懶殘亦俗人誰能為我涕

地藏琛禪師

栽田博飯喫獨振玄沙道一笑視諸方說禪方浩浩

法昌遇禪師

法昌亦開爐單丁唯一箇賴有十八賢緘口圍爐坐

黃龍晦堂禪師

山谷大辯才妙義皆糠粃滿院木犀香吾無隱乎爾

褒禪山僧

見公齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過疊鼓發中流白獺啣魚上青嶂捲收江童竹枝曲漢女木蘭舟歸路重城晚紅燈滿市樓

大安驛雷雨

客行當四月驟雨過三泉出地雄雷奮穿雲急瀑懸飛龍氏舊國白馬戎西偏潭毒關前聖英風尚颯然

潭毒關宋劉子羽退敵處

百年關

全秦雄百二南盡百年關人雜氏羌俗天連彭濮山漢臣傳諭蜀唐計失征蠻歷歷前朝事孤雲落

照間

嘉陵江上憶家

自入秦關歲月遲棧雲籠樹苦相思嘉陵驛路三千里處處春山叫畫眉

龍門閣

潛水入嘉陵江處即龍洞背亦名慈母領

四圍碧玉色峻峭著箇行纏盞飯僧松末風來龍背冷坐看流水入嘉陵

籌筆驛

助天

當年神筆走羣靈千載風雲護驛亭今日重過弔陳跡祇餘愁外舊山青

意中流水猿愁外舊山青石曼卿題驛壁詩句也

飛仙閣

山行喜乘流江平況如練岑寧有開闢竹樹一惹
舊人言利州風今朝泠然善灘如塗毒鼓舟劇難
弦箭仰眺飛仙閣鳥道危一線彎環歷三朝向背
窮九面絳雲卷輕綃白日遞隱見嘉陵碧玉色晴
雨皆婉變想見吳道玄應詔大同殿此生兩經行
天遣追勝踐醉帽停烏奴已泊益昌縣蜀諺云利州
風難州雨
飛仙閣口號
丹頂朱砂玉雪翎朝遊沙苑暮青城前身恐是雲
中鶴曾喚仙人徐佐卿

汎嘉陵江至益昌

今昭化縣懷何易于

益昌古利州由來五達衢白水合嘉陵山谷相盤
紆我有汎舟役萬里經川塗望古懷清芬所思何
易于刺史乘春下畫鷁盛嬉娛前舟載賓客後舟
羅笙竿索民為挽舟牽絳須百夫縣今腰笏前挽
舟自先驅刺史驚問狀縣令乃前趨方春耕且蠶
民力方勤勸今適暇無事可以充卒徒刺史聞之
慙上馬如亡逋仁人重一言能使民力蘇考獻徵
樵文撫之載唐書累百守今中尚有斯人無作詩
告有位磬石鏡山隅

晚至昭化縣題孔令見野亭

蒨明朝掛席弭棹欲三更月上嘉陵水山圍漢壽
城主人具雞黍邀客啟柴荆修竹吾廬似因之故
國情

登牛頭山

連峰去不窮萬壑寒寒空向下惟看鳥憑虛但御
風身投已徼外目極雪山東五畝湖邊宅何年著
退翁

牛頭山

其上天一握其下潭萬丈峨峨牛頭山排空削
嶂盤盤石磴危鉤梯絕依傍路與風雲通人出飛
鳥上全蜀萬山圍四顧迷背向歸雲盪胸來浩呼
洶濤浪有如泛香海一葦凌滉漾夔夔爭逢迎鬼
神獻情狀咫尺即岷峨此亦堪輩行

入劍門

銅鶴香浮 玉座溫七年 講幄奉明恩此身未
了詩中畫細雨騎驢又劍門放翁詩細雨
騎驢入劍門

劍門關

鎖鑰川東北雄圖自帶靈一關橫碧落雙劍插青
冥霖雨蛟龍逼驚風草木腥無才繼張李不敢勤